



Arubaanse Courant

ANJA 25.

DIABIERNE 31 JANUARI 1964

No. 4952.

RUSONAN TA TIRA AVION MERICANO

TRIPULACION A MURI

LONDEN, 31 jan. - Rusia y Merca ayeranochi a protesta cerca otro, despues cu un avion cazador Ruso a intercepta un avion mERICANO di ehercicio cu no tabata arma, riba Alemania Oriental. E tres oficialnan mERICANO den e accion a muri.

E rusionan no kier a acepta e protesta mERICANO. Como informacion a ser bisa cu gobierno ruso tin tur rason pa supone cu e violacion di espacio aerea di Alemania Oriental no a tuma lugar door di un equibocasion o pa un fout dje tripulacion, pero cu akinan tin kestion di un berdadero probocasion.

Den e protesta ruso cerca Merca nan no ta bisa qu asina tantu palabra que avion mERICANO a wordu intercepta. Nan a declara cu un avion cazador Ruso meste a tuma medidanan a base di instruccion pa defensa contra atakenan aerea, instruccionnan qu

ta conose cerca autoridadnan militar mERICANO. E militarnan mERICANO foi Berlin no a wordu admiti pa mira e avion destrui. Nan meste a para mirele na un distancia di 150 meter.

E bosero dje ministerio mERICANO di exterior a declara awe que avion militar mERICANO intercepta ayera riba territorio di Alemania oriental probablemente a hanjele riba territorio comunista door di un fout di navegacion.

Reuter a anuncia foi Berlin qu Alemania oriental a entrega un nota ruso qu ta parse e nota di protesta, contra violacion dje espacio aerea di Alemania oriental pa un avion mERICANO. E avion intercepta tabata un avion T-39 sabre liner di transportacion. E-saki ta prome avion mERICANO qu despues di guerra a wordu intercepta riba Alemania oriental.

E tres ocupantenan tabata teniente coronel Gerald Hannaford capitan Donald Millard y ca-

pitan John Lorraine. Nan tur tres ta casa. Nan familianan ta biba den territorio di Frankfurt-Wiesbaden.

E avion a bula na un altura di 8000 meter qun velocidad di mas o menos 800 km den direccion oriental caminda el a penetra te 90 km riba territorio di Alemania oriental. E avion stranjo a wordu intercepta pa un cazador dje unidadnan militar ruso sovietico qu ta situa na sur dje ciudad Muelhausen di Alemania oriental.

E avion qu a penetra no a haci caso dje signal usual pa aterizahe. El a sigui bula den direccion oriental, tambe ora cu tironan di aviso a ser lansa di Weimar. E cazador ruso meste a tuma medidanan y baha e avion, segun e nota ruso.

FATUM Tel. 1845
pa tur bo aseguronan

Tres di februari
ultimo dia pa
inscribi reina

ORANJESTAD, 31 Januari,
Dia tres di februari venidero lo ta e ultimo dia cu e clubnan cu kier inscribi nan reina pa participa na e eleccion pa reina di carnaval 1964 di Aruba por a haci-saki. Fuera di e reglamentonan poni ariba e formulario di inscripcion, comite central di carnaval tin di ricibi pa ultimo e dia aki dos portret di paspoort di cada reina cu lo participa.



MENTHOL FRESH

RICH TOBACCO TASTE

MODERN FILTER TOO



SABOR CU NUNCA TA
VARIA

IT NEVER VARIES.

Awe Prinses Beatrix ta cumpli binti seis anja di feliz existencia. Manera custumber banderanan lo bula den tur e tres parti di reinado. Seguramente lo tin hopi felicitacion cu lo dreuta riba e castillo Drakensteyn, caminda e prinses ta biba riba su mes. Na ocasion di e cumpleaños di su Alteza Real, e fotografo Max Koot a saca e portret aki.



PISCADORNAN CONSIDERA PERDI A REGRESA ARUBA

ORANJESTAD, 29 jan. -

Diadomingo mainta ultimo senjornan Nicolas y Rasmijn di weg Rooi Hundo Trankilmente a sali cu nan boto "Tonia" cu dos outboard motor for di Serroe Colorado pa manera custumber bai pisca e dia ey pa nan gana un dos pisca pa come. Apesar cu nan a keda di regresa e mes undia pa siet'or di anochi, esaki no a sosode. Durante casi dos dia familia di e dos caballeronan aki a pasa den oranan di span-to, temor y tristeza. Ya hopi a cuminsa duda si nan lo ta na bida ainda of cu nan a hoga y worde comi door di pisca. Pesei no ta stranjo y casi inexplicable con grandi alegria di e famia tabata diamars anochi ora cu e boto di loods a trece Brigido y Felix tera, sano y salvo, inclusivo nan boto, motornan y turnan material di pisca. Despues di a duna hopi man y ricibi hopi abraza di alegria e dos piscador-nan aki promer cu nan a subi auto pa bai nan cas bai sosega a contesta hopi pregunta y conta nan storia na tur nan famianan cu durante algun dia a pasa den susto grandi.

Cu e speranza di bai pisca poco pisca den becindario di San Nicolas Brigido Nicolaas y Felix Rasmijn a lamta diadomingo ultimo basta tempran y a dirigi nan mes pa Serroe Colorado caminda nan tabatin nan boto "Tonia" di diez sels pia mara. Nan a instala a motornan carga e boto cu awa, cuminda y nan materialnan di pisca. Contento y sin pensa cu nan lo drief mas cu un dia ariba lamar, mientras nan famia tabata den ansha, e dos caballeronan a tuma lugar den e boto y despues di a start e motornan a dirigi nanish di e boto door di e olanan pa lamar grandi. Na algun millanan pa Zuluc... Nicolaas nan a cuminsa purba nan suerte cu e piscanan. Biento tabata ta supla, pero en general tabata un bon tempo pa pisca. Diferente pisca a worde hisa bordo. Banda di dos or e trobel a cuminsa.

Den startmento di un di e motornan banda di dos'or e dospiscador-nan ta descubri cu esaki no tabata haci su trabao. Tampocoe

di dos motor a obedece na start-mento Como cu nan a kere cu ta e motornan por ta sushi, como cu despues di hopi esfuerso ningen no a start, nan a dicidi di habrinan den e boto y mira si nan por limpia nan. Pero e esfuerso aki tambe a resulta invano. E boto entre tanto ja tabata drief bai den direccion West. Segun senjor Rasmijn e driefmento aki a bai masha rapido. Promer cu siet'or di anochi ya nan a pasa pabao di Aruba caba den direccion Noord West. Sin ningun manera pa yega Aruba, nan a pasa na un distancia grandí ta drief bai. E ultimo punto di Aruba cu nan a mira tabata e luz di e farro na Noord.

E famia na kende e piscador-nan a priminti di bolbe pa siet'or e anochi ey cu nan a sali, mirando cu Nicolaas cu Rasmijn no a bolbe ainda a sinti cu algo a sosode. Ora cu nan nopor a wanta mas nan a hanja mihor pa avisa polis, cual inmediatamente a avisa Haven en Loodsdienst senjor J. Berkhout hefe di e servicio aki mes ora a

pone man na obra y a manda e remolcador "Arikok" en busca di e dos piscador-nan. Tambe fuerza aera di marina Hulandes na Antillas a cuminsa busca. Pero ningun bon noticia a worde ricibi te banda di mas o menos diamars merdia, ora cu Haven en Loods-Dienst a worde informa door di e bapor di carga di Norwega "Kare" cu el a hanja dos piscador den un boto ta drief, kendenan a bisa cu nan ta di San Nicolas Aruba. E famia cu durante henter dialuna anochi y diamars marduga y mainta tabata den susto y ansha cu algo malo por a pasa cu e dos caballeronan na momento cu nan a tende e noticia tabata jora y hari di contento.

Senjor Rasmijn a bisa nos cu na ningun momento nan a duda of perde speranza cu nan lo jega sano y salvo atrobe serca nan famia. Apesar cu nan no tabatin hopi cuminda na bordo, sin embargo awa tabata bastante pa algun dia, unicamente lamar tabata loke nan no tabata tin mucho confianza den dje e ora ey. Debez en cuando nan tabata hanjanan den olanan enorme cu tabata hunga cu e boto manera un pida palo. E anochi ey cu nan pasa ariba awa cu un cielo scur ariba nan cabez, nan tabatin poco falta di nan cama na cas, nan tabata cansa door di e sagudimento di e boto y tabatin basta friu. Segun senjor Rasmijn si nan a sigui den e rumbo cu nan tabata bai y nan no a worde hanja pa ningun boto, lo nan a yega Panama den cinco dia pero afortunadamente pa nan y nan famia e boto di carga "Kare" a hanjanan na un distancia di mas o menos cincuenta mil-la Noord West di Aruba ia drief den mes un direccion. E mes un atardi ey cu e bapor Norwega a hanja nan, nan a worde hisa bordo, e boto a worde mara na e bapor y un cable a worde manda a Aruba.

Fuera di un gran cantidad di famia cu tabata presente pa ricibi e dos piscador-nan nos a mira tambe senjor J. Berkhout, hefe di Haven- en Loodsdienst kende a ricibi e piscador-nan personalmente. Tambe diputado I.S. de Cuba, gezaghebbes interino cu tambe ansiosamente tabata spera e benida di senjor Rasmijn y

ESTABLECI

H. S. W. VERPLOEG

Dentista

PA CONTINUA TRABOU DI

DENTISTA C. F. M. SOONS

Oranan di Consulta

SAN NICOLAS

9 - 12 a.m.

Tel. 5 3 6 7

ORANJESTAD

3.30 - 7'or p.m.

tel. 1 5 4 2

Nicolaas. Mas o menos un cuarto pa ocho nan a worde pone na tera pa e boto di Loods. Promer cu tur cos Nicolaas y Rasmijn a percursa pa nan boto "Tonia" tabata bon mara y e motornan y resto di materialnan di pisca a worde poni na tera. Hopi palabranan yen di emocion y alegria nos a tende ora cue dos piscador-nan a worde aserca pa nan famia. Diferente lagrima a basha pero e biaha aki tabata di alegria.

Pelicula di bida di Stalin

MOSCU, 31 jan. - Awe nan a estrena na Moscu un pelicula den cua nan ta trata pa reviv e tempu di Stalin den memoria, principalmente tempu qu e personanan tabatin temor dje bati-mentu riba porta di polis secreto, qu nunca tabata nifica algu bon.

E prome presentacionnan a haia hopi publico. Algun persona nota-batin verguenza di lora mientras nan tabata mira escennan, qu ta leganan recorda nan amigo y famillanan qu a bira victima di Stalin. E pelicula titula "Sosiego" ta dura tres ora y mei y ta basa riba un boeki dje autor Joeri Bondarev.

E dos principal negociador-nan di e de-liberacionnan entre Merca y Panama tocante e canal. Na robez e embahador Mericano serca e Organizacion di Estadonan Mericano, Ellsworth Bunker y e embahador Panamenjo serca e organisa-cion, aki, Miguel Moreno. Ultimo a partici-pa ayera cu e de-li-beracionnan a fraca-sa, awor nan a pidi pa un reunion urgen-te di ministernan di exterior.

TELA Y MAS TELA

tur sorto di color espe-cial pa fiesta di
CARNAVAL



na prijsnan for di 10
placa pa riba.

Tambe pa
CARNAVAL bo adres ta

La Linda

SIERA TAPE RECORDERS



CASA ELECTRONICA
(banda di Viana)

MESKER

ta cera pa inventario

dia 1 di februari y

dia 3 di februari.



JUVENTUD CRISTIAN

ta organisa pa DIASABRA dia 1 DI FEBRU-A-RI VENIDERO NA CLUBHUIS ARUBA JU-NIORS di 9'or pm pa 2'or di marduga
GRANDIOSO BAILE DI CARNAVAL.

Musica ta acargo di „SENSACION MUSICAL,,.
Durante baile eleccion di REINA CARNAVAL
JUVENTUD CRISTIAN.

Entrada caballeros fl. 4.-- damas fls. 1.50

Kaarchi ta di venta cerca miembronan di Juv.
Cristian.

C.U. SANTA TERESITA A CELEBRA DI CUATER ANIVERSARIO

San Nicolas, 31 Januari,

Despues di un sacrificio di misa diarazon anochi den iglesia Santa Theresita na San Nicolas, un enorme cantidad di miembronan di Credit Union Santa Theresita a dirigi nan mes pa Club Santa Theresita caminda e celebracion di e di cuater aniversario di e Credit Union aki lo acontinua. Durante di e misa pastoor Van Baars, (Advisor esperitual di e Credit Union a dirigi palabra di apoyo y apidi pa mas cooperacion entre e miembronan di e credit Union aki, pa asina anan organisacion di spaar y yuda otro lo por crece y bira mas grandi, door di cual mas hende lo por hanja yudanza.

Na Club Cecilia e presidente di e Credit Union di San Nicolas, senyor F. Groeneveldt ayamatur e presentenan bon bini y encorto a repasa e historia di Credit Union Santa Theresita. E tambe a apoya pa mas cooperacion di e miembronan. Despues di e palabranan di e presidente di Credit Union Santa Theresita e bandera di e organisacion aki a worde presenta. E siguiente persona cu a hasi uso di palabra e anochi tabata e presidente di Credit Union San Francisco di Oranjestad, senyor F. Martijn kende na nomber di su organisacion a duna su felicitacion na e miembronan y directiva di Credit Union Santa Theresita. Su discurso a worde termina cu e presentacion di e bandera di Credit Union San Francisco y presentacion di e comision educativo di e organisacion aki. Durante e anochi cu a sigui tabatin un programa di canto, musica y comedia cual a worde organisa pa e comision ecucativo menciona cu tabata bao

di gia di senyor Mario Odor.

Entre otro a actua e anochi aki sr. E. Toppenberg y su trio Huasteca tambe Alma Criollo cu su cantante sr. Wilfred Boye. Durante un show di moda e damanan Josefina Daal, Aldina Pourier, Regina Poureir, Cleana Tromp, Lina Tromp, Delia Medina y Catharina Tromp a presenta e diferente trahenan. Mientras cu e diferente comedianan cu a pone e dos cien a tres cien presentenan hari nan barica yen a worde presenta pa Raquel Odor, Olga Tromp, Carlota Ridderstap, Aldina Pourier, Inez Odor y Josefina Daal. Na un manera alegre y bon e diferente gruponan (tur miembro di Credit Union San Francisco) a presenta un bunita programa, cual tabata un regalo di Credit Union San Francisco na nan hermana organisacion di San Nicolas. Un otro gesto di e Credit Union Oranjestad, tabata e boeket di flor cual srta. Raquel Odor a entrega na e secretaria di Credit Union Santa Theresita, esta Srta. Theresita Nicolas. Na fin di e programa e presidente di e Credit Union cu a cumpli su di cuater anja di existencia y na e momento ta worde conta como e Credit Union di mas grandi di Aruba, a dirigi palabra di gradicimento na esnan cu a coopera cu programa di e anochi, door di cual esaki a resulta un grandioso exito.

LIONS A CELEBRA 16 ANIVERSARIO

ORANJESTAD, 31 jan. Diarazon anochi Lions Club Aruba a celebra su di diez seis aniversa-

rio cu un charter night den Trocadero, na unda tabata presente gezaghebber interino di Aruba sr. Isaac S. de Cuba y tambe e damanan di e leonan. Como personanan importante presente e anochi aki tabata e ya mencionado gezaghebber interino, - sefornan Joe Daguiar, Leo Berlinski y Tommy Pietersz, kendenan ta algun di e fundadornan di Lions Club na Aruba. Tur e caballeronan aki te ainda ta miembro di e club. Tambe tabata presente e anochi aki Reina di Lions, srta. Enid Marugg y mama di aña di Lions sra. Edison Pietersz. Durante e anochi aki señor Oscar Marugg, kende ta un candidato pa e titulo di gobernador di e zona, a duna un informacion tocante di Lions en general. Entre otro el a muestra con na aña 1917 Lions a worde funda y ya caba tin 17 mil club na tur parti di mundo. Lion Max Arends mas laat den anochi a participa cu na maart venidero e reunion di zone di Lions lo worde teni na Bonaire, na unda Lions di e isla a prepara un programa specjal cu entre otro un recepcion na cas di gezaghebber Morkos- tambe un Lion tambe lo tin un tour over di e isla.

Arestacion na Venezuela

CARACAS, 31 jan. - Awe a anuncia na Venezuela arestacion di Carlos Eduardo Landaeta, conoci ilegalmente como capitán Omar. E ta pasa pa un dje lidernan dje grupo ultimamente izquierdista di terror na Venezuela. Tambe nan a detene 10 miembro dje ehercito nacional di liberacion cu ta bow di direccion di Landaeta. Nan tabata pertenesa na un grupo di teroristanan qu tabata opera bow dje nomber di "Ivan Pena".

ATA BO CANDIDATO PA E DIANAN DI CARNAVAL



E ROM ELIHI PA
E PUEBLO CU SABI KIKO TA BON

STEELBANDNAN A CUMINZA ANIMA PA CARNAVAL

ORANJESTAD, 31 jan.- Algo nobo ariba e programa actual di e central comite di carnaval di e aña aki ta un show di diferente steelband den callanan di San Nicolas y di Oranjestad. E shownan aki cu tin como proposito anima e pueblo di Aruba pa tuma parti na e gran festividadnan di carnaval, lo tuma lugar ariba diferente dia. Diarazon anochi ultimo e promer actuacion di diferente steelband a tuma lugar den San Nicolas, caminda nan a cosecha un enorme exito. E interes cu tabata reina pa e presentacion di e steelbandnan den San Nicolas tabata masha grandi. Dia 31 venide-

ro esta awe nochi y dia 4 di februari lo tin tal presentacion atrobe. Na Oranjestad segun nos a worde informa e steelbandnan lo presenta nan "programa di animacion" dia 4 y 5 di februari cuminsando pa cinco di atardi.

RADIOTELESCOOP RUSO ENORME

MOSCU, 31 jan. - Rusia tin un radio telescopio gigantesco que pantalla di mas grandi di mundo. Asina Dmitri Skobeltsin, miembro dje academia ruso di ciencia a declara den un entrevista cun representante dje corant "Trod".

E radiotelescopio ta consisti di dos parti, qu cada tin un kilómetro di largura y 40 meter di hancura. E pantalla dje ala dirigi pa occidente tin un superficie di 80.000 meter cuadra.

CASSEROLE? STEW? CREAMED? SALAD? AS IS?

YOU CAN DO IT ALL WITH LIBBY'S



N.V. Winkel's Handel Maatschappij

FANTASTICO!

Ta nos oferta pa duna lectornan di "ARUBAANSE CORANT"

e corant mas lesá na Aruba,

UN LUNA GRATIS DI SUSCRIPCION

si nan paga e suscripcion pa aña 1964 delantá. E oferta aki ta valido te dia 1 di februari venidero.

PAGA NOS COBRADORNAN pa 11 LUNA y LESA CORANT 12 LUNA. „Arubaanse Courant,, e dia pa dia ta bira mehor!



GOLPE DI ESTADO NA SUR-VIETNAM

SAIGON, 31 Jan. Trupanen di paracaidistanan y tankinan di guerra ayera mainta trempa a ocupa Saigon, despues di un golpe di estado exitoso sin dramamentu di sanger.

Segun e promer noticianan, lidernandje golpe di estado a tuma poder riba e capital y apone prome minister Nguyen Ngoc tambe e directiva dje junta militar, cu foi caída di gobierno Diem na november ta na poder, presu.

E golpe di estado ta boa di direccion di general Nguyen Khanh, cu ta wordu considera proamericano y contra proposicionan frances pa haci Vietnam del Sur un estado neutral.

Tuma e poder dje junta militar cu tres luna pasa a baha presidente Diem, pasobra nan tabata malcontento tocante marcha di asuntunan.

Asina a ser anuncia den un comunicado di exercito cu Radio Saigon a transmiti. Teniente General Nguyen Khanh a tuma presidencia cu Consejo. E Radio a

bisa cu algun figura dje junta anterior solamente tabata satisfaca nan propio interes y tabata dispuesto pa uni cu e colonialistanan cu e fin pa sigui un politiek neutralisa pro comunista cu lo hiba e pais den gara di esclavitud.

Den marduga di awe trupanen di paracaidistanan y vehiculonan di tanki di guerra a sali den cayanan di Saigon. E accion a transcuri cu masha prudencia y trankil. Nan no a los ni un solo tiro. E lider nobo, general Khanh, ta para conoce como un adver-

sario dje proposicion frances pa crea un Vietnam neutralista. Den circulanan mericano di gobierno nan a ricibi noticianan tocante e golpi nobo di estado na Vietnam del Sur cu gran preocupacion. President Johnson inmediatamente a wordu pone na altura. Door di nan no a hanja mas infome, nan no a duna ainda ningun comentario den circulanan oficial.

Basi Ruti ta bai extende cu 40 kamber mas

PALM BEACH, 31 jan. Pronto planan lo worde entrega na autoridanan pa e extension di Aruba su promer hotel cu a worde traha na Palm Beach, esta Basi Ruti. Lo ta un extension cu cuarenta kamber dividi den dos rij di bungalow. E extension aki lo bai costa mas o menos un total di mei millon florin.

Basi Ruti cu na e momento tin diez cinco kamber cu trenta cama, pa motibu di e planan aki lo haci un extension masha importante. E bungalownan nobo lo bin hunto cu esunan cu ya ta traha eyan. Segun ta worde spera pronto e planan lo worde entrega na DOW pa aprobacion. Segun nos vocero, e bungalownan aki lo bin cla na mas o menos luna di oktober, esta net promer cu e temporada nobo di turismo.

Entretanto nos a worde suerpa cu e planan aki di construcion lo no tin ningun efecto ariba e planan cual a worde anunciador di señor Ch. Neme, cu algun financieronan frances tin interes pa traha un hotel di diferente piso ariba tereno di Basi Ruti.

HOTEL

Strand Hotel, cual tambe ta un proyecto di firma Neme, lo bai drecha y prepara e lugar atrobe como un hotel, awor cu A.C.I. y A.C.C. a sali for di e lugar. Parse cu ya tin diferente inte-

Tcnel. Miguel Nucete Paoli

y

Ema Hubner de Nucete Paoli

Se complacen en invitar a sus amistades al matrimonio de su hijo.

Antonio

con la Srta. Alix Oduber Roos

Recepción:

"Club Caribe" 6.00 a 8.30

(Sírvasse considerar esta como una invitación personal)

Carel E. Oduber

y

Johanna Roos de Oduber

Se complacen en invitar a sus familiares y amistades al matrimonio de su hija

Alix

con el Sr. Antonio Nucete Hubner

Acto que tendrá lugar en la Iglesia San Francisco, de esta Ciudad, el día 6 de febrero, a las 5 de la tarde.

Oranjestad, 30 de enero de 1964

resadonan pa explota e lugar. Strand Hotel tin un treinta kamber.

MOROSO

Señor Moroso, conocido manager di Basi Ruti, segun nos a worde informa lo laga Aruba na luna di mei pa bolbe su pais Italia. Entre otro na motibu di salud di su señora, señor Moroso a tuma e desicion aki.

Marlyn lae reina

PARADERA, 31 jan. -Dia promer di februari venidero, Union Juvenil di Paradera lo bai corona nan Reina Marlyn Lae, durante di un fiesta di muchanan cu lo tuma lugar den Paradera club. E fiesta lo ta acargo di Paradera steelband. Prins di carnaval di e club aki di mucha ta Roy Lae. Durante di e parada di mucha cual lo tuma lugar diadomingo venidero. E club aki tambe lo participa cu su grupo.

TERITORIO INSULAR DI ARUBA

Ontvanger di Teritorio Insular di Aruba ta participa na esnan cu no a paga nan abono di telefono di luna di januari 1964, cu aanmaning lo ser ponf na post dia 31 di januari 1964 y cu for di di dia 4 di februari 1964 lo cuminza cobra gastonan di aanmaning pa e luna menciona.

HET BESTUURSCOLLEGE VAN HET EILANDGEBIED ARUBA maakt bekend, dat op 17 februari 1964 om 11 uur v.m.

Openbare Aanbesteding

wordt gehouden op het kantoor van het Hoofd van de Dienst Openbare Werken voor de werken volgens bestek D.O.W. no. 15-1963;

Het maken van funderingen voor lichtmasten op het haventerrein te Barcadera.

Inschrijvingsstukken zijn op voormeld kantoor verkrijgbaar tegen betaling van NAf. 10.-- per stel. (Restitutie voor ongeschonden exemplaren f. 7,50 tot 17 februari 1964)

Minister Biesheuvel pa Antillas

DEN HAAG, E vice ministerpresident Mr. Biesheuvel a propone proximo pa un bishita di mas o menos tres siman na Surnam y Antillas.

E minister lo ta acompaña pehefe di su gabinete Drs. Jonkers.

E viahe ta uno di orientacion, durante cua e vice ministerpresident ta spera di conoce e pueblo y pais di Surnam y Antillas Ulandes mas mihor. Principalmente e kier pone su mes na altura dje progreso dje proyectonan di desarrollo caminda Ulanda ta relaciona door di a duna ayudo.

E lo viaha bek pa Ulanda via e ruta meridional di KLM. E vice minister president lo regresa Ulanda prome cu dianan di pascu.

Lansamentu Saturnus tabata un éxito

CABO KENNEDY, 31 jan. - Merca awe a establece dos record espacial nobo qun prueba exitoso qun superraket Saturnus I di 562 ton. E raket aki ta uno qn ta anuncia e lansamentu di raketnan cu meste transporta hendenan pa luna. Despues di un lansamentu liher, e raket di 50 meter largu a trese un satelite di 19 ton,

llena qu santu como carga, den orbita rond di mundu. E peso aki ta sobrepasa seun que lansamentu na boso a trese den orbita. Spoeniknan shete y ocho cada uno tabata pisa 7 ton. E motornan dje prome piso dje raket a des-arolla un forza d stiwasion di 750 ton y e segundo piso stiwa qu waterstof liquido a wordu pusha cun forza di 45 ton.

E combinacion aki ta mas grandi qu jamas Merca o Rusia a ehecuta ainda.

Reunion urgente na Casa Blanca

WASHINGTON, 31 Jan. President Johnson a invita lidernandje fraccion democratico y republican den camara di delegadonan y senado pa asisti na un reunion di urgencia na Casa Blanca.

Despues dje reunion cu a dura mas o menos un ora, bosero di casa Blanca a anuncia, cu tambe tabata presente ne reunion subminister di asuntunan exterior George Ball, y cierto representante dje pentagon. E bosero a con tradesi cu nan tabatin kestion di un reunion di urgencia. Durante e reunion nan a papia durante varios asuntunan kritico riba tereno di exterior, entre cua Cyprus y Panama.

Pero e participantenan dje conferencia despues di esaki nokier a los nada riba cua nan a papia.



Diarazon mainta a yega for di Puerto Rico un delegacion di mas o menos 50 persona, kendenan ta representando algun fabricanan prensa y turismo di Puerto Rico. Ayera y awe nan ta tene un exhibicion di productonan di e pais menciona den Strand Hotel. E portret ariba ta mustra e momento cu nan a caba di yega na paradero y ta subi bus pa bai Strand Hotel, caminda nan ta ke-

Costoso derrota R.C.A. sufri contra Estrella.

(Di Nos Redactor Deportivo)

Revancha dushi e muchanan di Estrella a tuma diamars anochi riba e oncena di R.C.A. den Wilhelmstadion. Nan a deskita e derrota di 4-0 cu den e promer rond nan a sufri contra di e tricolornan, ganando e blaha aki cu anotacion di 3 pa 1. Pa R.C.A. esaki ta su segunda derrota consecutivo den e rond number dos di e campeonato, ya cu den nan wega anterior nan a perde contra Dakota. Contando cu ya Dakota a gana tanto di Estrella como di R.C.A. den e segundo rond, e equipo di Solito ta den posicion menos ventahoso awor tocante su speranzanan campeonil. Apesar cu falta hopi wega ainda pa worde hunga y e bala ta rondo, e equipo den e mihor posicion a wor ta Dakota ya cu nan a logra triunfa ariba dos di e mas fuer- tenan caba. Sorpresanan sinem- bargo no ta imposibel.....

Na e pitazo inicial di referi Frans Figaroa, e equiponan a linea ambos fallo di algun estelar. Den Estrella nos por a nota falta di Andresito Bikker y Dodo Franken, mientras cu R.C.A. ta- bata falta Cai Helder y Evenlo Gonzalez. R.C.A. ta mira un di su promer atakenan den di 7 minuut di wega corona cu exito ora cu Yonko Alberts ta pone un shot cu keeper Lermy Vries no por taha. Score 1-0 pa R.C.A. Midvoor Wernet di Estrella ta hanja bunita chens ricibiendo pa- se for di rechts mientras cu e ta completamente libre dilanti di gol. Su shot ta lamta dimas pasando over.

Fenchi Dubero den di 26 minuut ta pone un peligroso shot cu ta pasa net banda di tubo di gol bai out.

Rapido contraatake di R.C.A. ta worde forma cu combinacion di Juchi Jansen y linksbuiten Wouter Brokke. Esaki ta pone un voorzet cu keeper Vries ta intercepta rapidamente.

E alineacionnan di e equiponan ta haja cambio den di 35 minuut ora cu e keeper Lermy Vries di Estrella ta bandona e wega dren- tando Croes su luga, mientras cu na luga di Escalona ta drenta pa R.C.A. Cai Helder.

Cinco minuut promer cu half- time, durante un otro atake di Estrella, defensa Jon Scharbaaij ta causa un penalty tumbando e delantero Da Croes den aerea

penal. Referi Figaroa a rek man y muestra na punta blanco den doel- gebied y Fenchi Dubero ta adelan- pa tuma e penalty. Cu su habitual forma sigur, Fenchi Dubero ta cobra e penalty impecablemente empata e wega 1-1.

Contrario na e promer mitad, den cual Estrella tabata lanza mayoria di e atakenan, den e segundo R.C.A. ta esun cu ta cuminsa y ta sigi mas den atake. Apesar di esey, tog esun cu ta logra anotacion den e parti completaria ta e muchanan di Sta. Cruz.

Nan ta desempata e partido den di 7 minuut door di un error di keeper Feki Caster di R.C.A. Esaki ta saka un bala out man- dando e bala pa su companjero Cai Helder, kende sinembargo no tabata sabi di nada ya cu e tabata camna ta bal cu lomba pa e bala. E gritonan di Caster Hel- der tabata mucho laat pa evita midvoor Alky Croes di Estrella di coge e bala, adelanta poco y pone un shot den skina cu a pone Estrella dilanti 2 pa 1.

R.C.A. ta aumenta su presion notablemente. Largo y frecuente nan atakenan ta pero cu masha poco shooting.

Un shot di Juchi Jansen ta bai directamente den man di e portero di Estrella, mientras cu Jose Bo- ye ta pone un shot net over.

Defensa di Estrella cu Roman Kock como e pilar di mas fuer- te ta debilbe e avancen di R.C. A. uno tras di otro. Edwin Dirksz ta pasa di defensa pa linea di a-

Nic., y na S.C.N. Douane contra di DoHyKad diadomingo lo tin tres wega. Nan ta riba teremo di Bubali Bodegom contra di Mercurius, na Bretania La Esperanza contra di Caribbean Hotel y na Sta. Fe P.T.T. contra di Pol- litie.

Ultimo presentacion di "E Burico" y "Su Excelencia"

ORANJESTAD, 31 jan. - Awe nochi ta tuma lugar den club San Martinus na Santa Cruz, e ultimo presentacion di e comediantan "E Burico" y "Su Excelencia". E comediantan aki cual ta worde presenta door di e gruponan na juvenil di Trupialen ta worde presenta pa di tres biaha. Promer biaha na Oranjestad, despues na Noord y por lo ultimo na Santa Cruz. Tur dos e blahan anterior e presentacion di e muchanan aki tabata un exito rotundo, hopi hende mester a bolbe cas como cu e carchnan ya ta- bata bendi por completo. Pa motibo di festividadnan di carnaval y despues cuaresma e dirigente- nan di e Trupialen a dicidi cu lastimamente e comedia aki lo no por worde hunga mas na otro lu- garnan. Asina esun cu kier mira "E Burico" y "Su Excelencia" awe nochi, lo tin di percura pa hanja su carchi na tempo.

E rey di draaiorgel di Hulanda, Henk Mohlman di 61 anja lo haci un tour den Caribe cu su piere- ment "De Klok" bao di auspicio di e de- partamento di expor- tacion di Philips. E viaje aki lo dura mas o menos tres luna. Nan lo bishita e pais- nan; Nicaragua, Gua- temala, Jamaica,

Di e campeonato di comercio y gobierno

(Di Nos Redactor De portivo) Durante e ultimo weekend a wor- de hunga un total di shete wega di e campeonato di futbol di comercio y gobierno. H.B.U. a keda sin presenta contra di Elmar y a perde reglamentariamente cinco cero. A.C.I. a supera Mar- cial G. Tromp 5-0. A.O.B. San Nicolas a worde derrota door di DoHYKad 3 pa 0.

Mercurius a logra supera La Esperanza 2 pa 1, mientras cu J. Bodegom a bira un victima di Aruba Caribbean Hotel cu e score di 0 pa 4.

E unico empate tabata entre W. E.B. y A.O.B. O'stad, equiponan cu a anota cuatro gol cada uno.

E doaneronan a logra nan segun- do triunfo ganando di P.T.T. cu minimo score di 1-0.

Pa ee weekend aki tine siguien- te partidonan. Diasabra dia 1 di februari na Bubali Elmar contra

Gebr. van Swaay, na Jong Aruba

Martijn Aruba Metal contra H. B.U., na R.C.A. Marcial Tromp contra Petrona & Croes, na Sta. Fe Aparicio/Loonstra contra di A.C.I., na Estrella A.O.B. O'stad contra di D.O.W. na Bretania W.E.B. contra di A.O.B. San

VICEROY

Filter CIGARETTES

Ta presenta cu orgullo su candidata pa

Miss Aruba
SRTA. MYRNA BISLICK



Tambe den carnaval Viceroy a haci number caba...



Cansileria nobo Hulandes na Merca

WASHINGTON, 31 Jan. Secretario di estado di asuntunan exterior Mr. De Block a inaugura awe oficialmente e cansileria nobo dje embahada Ulandes na Washington. E edificio aki tin 8.360 meter di cuadra di grandura. E \$50.000 piedranan di cinco foi cua nan a construi e edificio a wordu transporta cu bapor foi Ulanda pa Merca e gastunan total dje cansileria ta mas o menos ocho million florin y mei.

Secretario di estado De Block, den su discurso di inauguracion a bisa cu e edificio grandi aki ta un medida pa progreso e contacto y comprension mutuo entre Ulanda y Merca.

Na 1959 nan a cuminsa cu buscamiento di un terreno pe cansileria nobo. Na 1960 nan a firma un contract y na oktober dje anja siguiente nan a cuminsa prepara trabao riba e terreno.

Dos anja despues riba 18 di oktober di anja pasa, nan a pone oficinanan den e edificio, segun di dos orador embahador Van Roijen.

E edificio ta un proyecto dje arquitecto Ir. Tauber foi Alkmaar

Dos arquitecto mericano tambe a duna nan cooperacion. E edificio ta construi pa un empresa Ulandes y un mericano di contratista. E cansileria ta conta actualmente ochenta espacio di oficina y tambe un hal di recepcion, un sala di consulta, un cantina y un sala di reunion. Tambe un biblioteca y otro cuartonan special.

Intento di suicidio di asesino Argelino

ARGEL, 31 jan. - Mohamed Zenadi, qu a wordu sentencia na Argel pa motibu di a asesina e minister Argelino di asuntunan exterior Chemisti, a intenta pone un fin na su vida. Ora qu nan a hibeie di prison pe sala di justicia, ei a bula di un altura di e dos pisoover di man di trapi. E no a hanja heridanano serio. E proceso a keda suspendi te otro siman diarason. Zenadi ya varios biaha a intenta di comete suicidio.



Srta. Mildred Filomena Croes

Entrevista cu Srta. Mildred miss "Amstel"

Oranjestad - Recientemente prensa y radio a worde invita na oficina di "Publicidad Exito" Aruba, pa sera conoci cu senjorita Mildred Filomena Croes, candidata pa "Miss Aruba", representando firma Licores Aruba, como Miss Amstel.

Srta. Mildred a nace na Aruba, 11 di agosto 1943, yiu di sr. Johan Federico Croes y sra. Didi Croes, biba na Celciustra 13, na Playa. Despues di a obtene su Mulo-diploma na Maria College, y a termina su HBS, su intencion tabata pa continua estudio na Hulanda como Bibliotecaria; pero p' esey nan ta exige por lo menos un anja di praktik, y pesey Mildred a solicita na Openbare Leeszaal, na unda el a hanja un empleo, na unda por hanja srta. Mildred diariamente, rondona pa rekkinan di buki. Tur clasa di buki, su hobby! "Mi ta gusta literatura spanjo, ingles, frances y hulandes, y naturalmente tin un enorme interes pa "literatura Antillano", srta. Mildred ta informa nos.

Sin embargo, e no ta un "boekenwurm", pasobra e ta gusta deporte masha hopi tambe, especialmente landamento, ping-pong, volley y softball. Su deseo mas grandi ta pa conoce Spanja y Swisa.

Srta. Mildred ta masha contento di a worde escohe pa candidata pa competi Miss Aruba, y ta masha orgulloso cu e ta presenta como Miss Amstel. Naturalmente lo mi desea di sali como Miss Aruba, pero si un di e otro nan sali mi ta keda mes contento, tabata un observacion masha sportief di srta. Mildred.

No tin duda cu e miembronan di hurado lo hanja nan dilanti un tarea masha dificil diahuebs dia 6 di februari dia di elihimento pa Miss Aruba!
(ADV)

CLUB TIVOLI

Na vanguardia di carnaval

Ta presenta su di 21 programa carnavalesca

Diasabra 1 febr. - CORONACION DI SU MAHESTAD ENID - REINA DI CARNAVAL DI TIVOLI.
fiesta anima pa: ESTRELLA MUSICAL Y LOS ELEGANTES

Diadomingo 2 febr. - CARNAVAL PA MUCHA cu CORONACION DI JOYITA MARIA FEDERICA y eleccion reina y prins di mucha. Despues TIVOLI ta join parada di mucha, anima cu STEELBANDI



DO PRIMERO



SU MAHESTAD ENID



JOYITA MARIA

diabierne 7 Febr. - CORONACION DI JOKER DO PRIMERO durante MAMARACHO NIGHT cu „ORKESTA CURACAO,,

diasabra 8 febr. - GALA-BAL MASQUE anima cu „ORKESTA CURACAO,,

Diadomingo 9 febr. - JOINMENTO DEN PARADA GENERAL CU POR LO MENOS cinco carosa y BIBA CARNAVALIIIIII



Esaki ta un portret di archivo di e prinses di 22 anja di Dinamarca Margareth y e baron di 33 anja Ulrim Haxthausen, cu cual e prinses lo casa segun rumor nan aki. E baron a companja e princesa riba su viahe pa Oriente anja pasa.



Esaki ta e ganador di e torneo di Hoogoven di schaak na Hulanda pa e anja aki, Paul Keres.

Declaracion Ruso tocante luna

MOSCU, 31 Jan. - E superficie di luna ta tapa un capa di stof di terra poroso qu tin un espesidid di solamente 30 te 50 centimetro, segun e astrologo ruso, profesor Alexander Markov, dje observatorio Poelkovo na Lenin-grad. E ta rechaza e teoria dje astronomico Dr. Thomas Gold, qu ta supone que stof riba lunatin un espesidid di 30 meter. Dr Gold qu actualmente ta director dje centro pa investigacion espacial ne universidad Cornell, na New York, a avisa na 1955 qu miembranon dje vendiero espediton di luna ta tapa cu un capa di stof Profesor Markos a scribi awor den e prome edision di Avatasia I Kosmonautika. (Aviacion Aerea y Espacial) dje aña aki, qu por lo menos 70 por ciento dje superficie di luna ta consisti di bahadanan recto, riba cu a e stof no por keda para.

CINE

Diabierne 31 Jan.

De Veer: 8.30 p.m. "De Drie Waarheden" 18 j Rialto: 8.00 p.m. "Harold Lloyd's World Of Comedy" all Principal: 8.00 p.m. "Hero's Island" all Aurora: 8.00 p.m. "El Dolor de Pagar la Renta" all Savaneta: 8.00 p.m. "Jessica" 18 j

DOKTERANAN DI WARDA

O stad-Noord Dr. P.C. Harting S.Nicolas-Sta.Cruz Dr. A.v.d. Hoeven

BOTICANAN DI WARDA

O stad Botica Oduber Tel: 1780 San Nicolas Botica San Lucas tel: 5119.

WIT-GELE KRUIS

Oranjestad: Zr. Ewalda San Nicolas: Zr. Perpetua Santa Cruz: Zr. Ludovic

Cumpleanjos

Dia 30 di Jan. a cumpli anja Pedro Ramon Krozendijk, felicitacion ta bini di su mama Ninita, tata Juan, tanta y omonan, prima y primonan, madrina y padrinan, tanta Margarita Sandoval na San Domingo, muy especialmente di su prima Ina Bikker y demas famia Krozendijk, Bikker, Sandoval.

Dia 30 di Jan. a cumpli 2 anja e hobecita Sandra Vrolijk felicitacion ta bini di su mama Theresita, tata Ilario, ruman, welo y welanan., bisawelo y bisawelanan, especialmente di su madrina Anna Kock, padrino Antonio Rivero, tanta y omonan, especialmente di Ina Bikker, y demas famia Vrolijk, Bikker, Croes.

Dia 30 di Jan. ta cumpli 8 anja e hobecita Martina Navas, felicitacion ta bini di su mama Chanita, tata Cornis, rumanan Johnny, Antonio, Marcelino y Benito, primo y primanan tanta y omonan, welo y welanan, dos bisawelanan, tur su amiganan di 2 de klas di school na Santa Cruz, di juffrouw Manie, especialmente di su pepe Janie y omo Shonco.

Dia 30 di Jan. a cumpli anja Señor Inacio Geerman, felicitacion ta bini di su esposa Luisa Julian Graciela, Anastasia, Anna Reginita, Juliana, Nicolaas, Beni Lirio, Elizibeth, mama, suegranan, rumanan, nieto y nietanan y demas famia.

Awe dia 31 di Jan. ta celebra su feliz cumpleaños e simpatica señorita Mildred Martha, felicitacion ta bini di su mama y tata, su rumanan Selma Jacobas, Editha Arambatzis na Caracas, Lourdes Linders na Hulanda, na Aruba di Mirna, Judith, Freddy, sobrina y sobrinanan, amiga y amigonan, y tur e miembranon nan di Les Joeyux.

Awe dia 31 di Jan. ta celebra nan 30 anja casa Señor Hugo Venancio y Senora Marianita Croes felicitacion ta bini di nan Julian Ale, Nadi, Vicente, Paulino, Sirlaco, Marcelo, Eleuterio, nan mama y tata, tur nan rumanan, suegra Lucia Geerman, Romalda Geerman, Teinilda Dirksz, muy especialmente di nan nieto Kencho Croes y demas famia Croes, Geerman, Dirksz.

Awe dia 31 di Januari ta cumpli anja senjora Irena Wernet, felicitacion ta bini di su estimado esposo Arcadio, estimada Julian Marcia, y Selvia, su tata y mama, rumanan, suegra, especialmente di su ihanan Flora Wernet Olivia de Cuba, Swinda Wever, y demas famia Paesch, Wernet, de Cuba, Wever.

Awe dia 31 di Jan. ta cumpli 2 anja Ignacio Francisco Croes, felicitacion ta bini di su tata Coco, mama Bebi, rumanan, welo y welanan, tanta y omonan, primo y primanan, especialmente di su padrino Francisco Croes, madrina Graciela Geerman y demas famia.

mer. "Bo tin un vpleegster caba?" Thesi a puntra. "No... mi kier meen... Dr. Bergman a pensa cu... Thesi no a laga e Conde caba di papia. Aki tres dia ta vacante, y cu gusto lo mi cuida Ingrid, si bono tin nada contra... El a tarda pa contesta y despues el a bisa: "Esey lo bay cansabo, y ademá e promer tres dianan... "Esey no ta problema", Thesi a contesta dicensi caba, mientras cu el a saca su maleta chikito foi cashi. "Mainta mi ta bay school, y despues di les mi ta bolbe bin. Toch bo tin un auto, no ta berdad?"

Ora cu e auto grandi a jega dilanti castillo di Hofen y e Conde a habri e porta di auto, a presenta den e porta un homber bjeewu, cu a corre baha e trapinan pura pura. "Fried, esaki ta Srta. Gunden. El lo bin akinan pa cuida Ingrid." Thesi a duna e homber bjeewu un man. "Ya nos a cera conoci cu otro caba", Thesi a bisa carinjos. "Mi kier meen, na telefonan anto." Den Fried su wowonan, tabata tin un aire di simpatia. "Dios laga, cu bo presencia na e castillo aki, lo trece bendicion", Fried a bisa poco poco, cu masha cortesia. Thesi a sonrei cu ne. "Con ta bay cu mi... jiu", e Conde a puntra. Thesi a ripara cu Fried a pone un cara sorprendá.

Claramente cu bopor a ripara, cu den e cas aki e Conde no ta costumbrá di jama Ingrid como... su yiu. E cria bjeewu a trek un cara preocupá. "E ta mescos, Sr. Conde. E kentura no a bay". Nan tres a bay paden, pero Thesi no tabata tin tempo pa admira con bonita paden tabata decorá. Ora cu el a drenta den e kamber cu Ingrid tabata, el a spanta Ingrid su cara tabata corra di kentura. Mesora Thesi a pidi pa fla e telefon, y el a jama Dr. Bergman. "Mucha, e dokter a bisa, bo no ta bay wanta esaki, bo ta kere cu mi tin gana pa bo bira malo, y con bo ta bay regla esaki cu bo servicio na school?" e dokter a puntra Thesi. "Dokter", Thesi a bisa poco poco, pero decidido, "no worry cu esey, ami lo sa kiko mi ta hasi. Na promer lugar aki tres dia mi tin vacante, y ademá di esey, mi salud ta perfecto. Asina ta, por favor mi ta spera ariba instruccionnan exacto pa mi cuida na Ingrid." "Okay anto, ta bo meskier asina" e dokter a bisa poco rabia. "Pero tene cuidao, pa mayan no ta abo ta drumi malo no? Pasobra e ora si, nos dos ta pleita cu otro!" e dokter a bisa.

El a duna Thesi instruccionnan exacto, y a priminti Thesi cu el lo bini bek promer cu anochi sera. Fried a hiba Thesi den un

AGENDA

ARUBAANSE COURANT

diariamente cu excepcion di diadomingo subscripcion f. 3.25 pa luna edicion los 20 ct. edita pa: N.V. ARUBAANSE DRUKKERIJ - en UITGEVERS - en PUBLICITEITS MIJ. Imprimi na: N.V. DRUKKERIJ "DE STAD," Telefoon 1116 Directivay redaccion, 2116 Anuncio y subscripcion. Directeur hoofdredacteur: D. Wolff.

TELE-ARUBA

Diabierne 31 Jan.

- 05.30 Cartoons
- 06.00 Israel Presents
- 06.45 Papiamento Newcast Live & Filmnews
- 07.00 Gunsmoke
- 07.30 Informacion Amstel
- 07.45 Frankie Laine
- 08.15 Dangerous Robin
- 08.45 Viana's Latest News
- 09.00 Perry Mason
- 10.00 Sign off.

RADIO CARACAS TELEVISION

Diabierne 31 Jan.

- 8.45 Senderos de luz
- 9.00 Cajas con sorpresas
- 9.30 Jardín de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Snow de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monteverde
- 15.15 Perfecta ama de casa
- 15.45 Aventuras Popeye y Ye-yo
- 16.15 Mejías y sus muchachos
- 16.45 Busque su marca
- 17.15 Comedy Capers
- 17.45 Noticias
- 17.50 Papa lo sabe todo
- 18.30 Extraño mundo del Pantano
- 19.00 Revolver a la orden
- 19.30 Nuestra Peggy
- 20.00 OEl observador
- 20.15 Novela
- 20.30 Craneoteca de los Gentios
- 21.00 Pánico
- 21.30 Las enfermeras
- 22.30 Noticias
- 22.35 Cine para todos

otro kamber, pegá cu esun di Ingrid, cual su porta ta habri den kamber di Ingrid. Thesi a saca su panjanaan for di e maleta y a pone nan den e cashi. Ingrid no por drumi keto, henter ora e ta drey den su cama, mientras cu tin ora e ta keha poco poco. Thesi a pone man riba Ingrid su frente, esaki tabata terribel cayente. Nan a bati na e porta, y ariba su tenchiplanan, Fried a cana drenta den e kamber. "Pero Srta. Gunden, bo no a come nada ainda. Mi por bay prepara algo pa bo?" "Esey ta masha lief di bo", Thesi a bisa, "pero prome cu tur cos mi mester poco ljs y un kompresor". Mesora Srta., pero por favor den futuro jamami sencillamente Fried, asina mi ta custumbra, ei a bisa carinjos.

Maleisia

KOEALA LOEIMPOER, 30 Jan. Trumanan maleisiano y britanico di seguridad na Noord Borneo e ultimo dianan aki a mata cinco guerillero indones y a cohe shete presu, segun gobierno di Maleisia a anuncia awe. Segun e declaracion e indonesnan a tira promer.

Ne fuente di Maleisia y di gran Britania no tabatin ningun victima.

EVA Boutique

No koda sin haci uso di nos PROME BARATILLO ANUAL

1 febr.	20%
3 febr.	30%
4 febr.	40%

ARIBA TUR NOS BISTIRNAN UNICAMENTE CASH.

"Buscando amor di Mama"

Novela pa Pancho Papa la Poncha Pi

No. 14

Ingrid a haya sa di e conversacion di bosonan ta e motibo pa- kiko bo no ta stimele. Cu bo no abata stimele, esey e tabata sa caba... E conde kier a bisa al- o, pero Thesi no tabata duné n oportunidad. "Permitimi pa mi sinta mi culpa den bo asuntonan personal, aunque bo a jega di prohibimi caba. Nunca mi por comprende, pakiko bo tabata asina indiferente contra e mucha asina incompasivo. Mi mester admíti cu awe mi por mira e cos- man di un otro manera. Pero eke te ainda mi no ta compren- de ta; pakiko un mucha mester sufrí pa foutnan cometi pa otro hende?" Srta. Gunden... e Conde a contesta poco puden, "bo no por comprende cu e presen- cia di Ingrid tur dia ta hacimi corda... pasado?" "Un mucha ta keda un mucha, Conde, maske cu no ta bo yiu, maske ta yiu di un otro homber", Thesi a bisa. E Conde no a contesta, pero Thesi por a imagina su mes cu e palabranan ey a ofendele. Kizas

HOROSCOPO PERSONAL

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**

Pa Diabierne 31 di Januari
ARIES 21 maart - 20 april

Pone extra interes pa mehora bo asuntunan financiero. Tanto di dia como anochi ta agradable pa tuma decision den cual bo por tin hopi exito.

TAURUS 21 april - 21 mei

Lo bo hanja bo den un posicion perfecto contra personanan den bo vecindario, bisiaña y familia. No laga nan tolosa bo cu testanan dudosos, si esakinan ta hasi impresion.

GEMINI 22 mei - 21 juni

Awe ta un dia favorable pa despecha trabaonan cu ta cabá. Probablemente lo bo haci bishita na un persona cu ta malu of cu tin problema. Drumi trempa awe.

CANCER 22 juni - 22 juli

Door di buenvoluntad di otro nan bo por jega na realizacion di bo deseonan. Trata na haci bo coneccion social mas grandi. Muestra interes na gruponan, cu bo ta simpatisa.

LEO 23 juli - 23 augustus

Awe ta parse un bondiapa presta bo atencion na interesnan di trabao. Bo prestigiu ta bira grandi. No fiesta di mas atardi.

VIRGO 24 aug. - 23 sept.

Situacion general ta hopi prometedor pa bo interesnan. Duna otro un chens pa trese nan ideanan dilanti y pa tuma decision y hasi proposicion.

LIBRA 24 sept. - 23 okt.

Bo tin hopi chens di bai dilanti den bo trabao y negoshi. Probablemente lo bo descubri algo cu bo a negligia of door di un metodo nobo a resulta.

SCORPIO 24 okt. - 22 nov.

Trata pa evita provocacion cu por pone bo prestigio den peliger. Bo tin mester di ayudo di otro pa bai adilanti. Sali awe nochi.

SAGITTARIUS 23 Nov. - 22 dec.

Awor bo ta masha sentimental pa asunto di otro nan. Bo partner mester di libertad pa traha programa di boso dos. No sea nervioso.

CAPRICORNIUS 23 dec. - 20 jan.


Lo no ta facil pa deecha curso di sucesonan, bo mester pone bo mes na deseonan di bo familia of personanan mayor. Trata di hasi lomehor.

AQUARIUS 21 jan. - 19 feb.

Bo por hasi detallenan en coneccion cu bo trabao. Paga tino na loke bo ta come awe tardi, pa evita un mal anochi. Otronan ta busca bo ayudo cu problemanan.

PISCES 20 feb. - 20 maart

Trata na drecha bo posicion na cas of na trabao. Cuminsa cu bo trabao promer cu nan puntra bo pe.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.





BUCHI ROBEZ

Pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



DICK TRACY

